



ՆՈՐԻՆ ՅԱԿՈԲԱՅ (ՇԱՄԱԽԵՑԻՈՅ)

ՏԱՂ ԵՒ ԴՐՈՒԱԳ Ի ՎԵՐԱՅ ՍՐԲՈՅ ԷԶՄԻԱԾՆԻ,
ՎԱՍՆ ՈՒՐԱԽՈՒԹԵԱՆ ԱՍԱՑԵԱԼ

Իմանալոյ լուսոյ մօրն համանման,
Վաշ, համանման, յորոյ անուն իսկ կազմեցար դու խորան,
Վաշ՝ դու խորան, վասնզի էջ ի քեզ բանն հայրական,
Վաշ, հայրական, ով Սուրբ Էջմիածին մայրդ տեմչալի,
Վաշ՝ ցանկալի:

Յարացոյց ես և տիպ դրախտին փափկութեան,
Վաշ, փափկութեան, ի քեզ գոյ պտուղ կեանց և ջուր զովացման,
Վաշ, զովացման, որովք միշտ կեան որ ի քեզ իսկ հաւատան,
Վաշ՝ հաւատան, ով Սուրբ Էջմիածին դըրախտ պըտողալի,
Վաշ՝ ցանկալի:

Աղքերունակ պարտեզ յերկրիս Հայաստան,
Վաշ՝ Հայաստան, որով միշտ ոռոգես զորդիս հայկական,
Վաշ՝ հայկական, լաճիլ ի չափ Տեառնըն մերոյ կատարման,
Վաշ՝ կատարման, ով Սուրբ Էջմիածին պարտեզ ջրալի,
Վաշ՝ ծաղկալի:

Կամար լուսապատար ի քեզ կայացեալ,
Վաշ՝ կայացեալ, որ և զձև շինութեոյ քոյ ուսուցեալ,
Վաշ՝ ուսուցեալ, ըստ ալմ Սուրբն Գրիգոր զքեզ կառուցեալ,
Վաշ՝ կառուցեալ, ով Սուրբ Էջմիածին տաճար լուսալի,
Վաշ՝ քաղնալի:

Ուրախացիր հարսնըդ անախտ փեսային,
Վաշ՝ փեսային, որ էջ ի քեզ հանդերձ դասուքն երկնային,
Վաշ՝ երկնային, և ընդ անդոյդ զուգացեալ՝ արար բազմածին,
Վաշ՝ բազմածին, ով Սուրբ Էջմիածին հարսնըդ ցանկալի,
Վաշ՝ տարփալի:

Բարձրաբերձ աշտանակ յոսկոյ կեփագեայ,
 Վաշ՝ կեփագեայ, անաղօտ բորբոքմամբ լուսնալ եօթնակեայ,
 Վաշ՝ եօթնակեայ, յորս միշտ յուսափալես զցեղս հայկազնեայ,
 Վաշ՝ հայկազնեայ, ով Սուրբ Էջմիածին դամբար յուսալի,
 Վաշ՝ ցանկալի:

Արդարև ես քատակ Նոյեան տապանին,
 Վաշ՝ տապանին, զի վաճառիք եղեր ազգիս մերային,
 Վաշ՝ մերային պահելով զոգիս մեր՝ յողխոյ դիւային,
 Վաշ՝ դիւային, ով Սուրբ Էջմիածին տապան կեանալի,
 Վաշ՝ փրկալի:

Յիջանելոյն ի քեզ խնդրեմք յուսալի,
 Վաշ՝ յուսալի, պահել ապատ զԱթոռոյ Հայոց պանծալի,
 Վաշ՝ պանծալի, հանդերձ հայրապետի (ե)ւ մանկամբք
 Վաշ՝ բերկրալի, ով Սուրբ Էջմիածին Աթոռ հրաշալի,
 Վաշ, պանծալի:

Մատենադարան ձեռ. Թիւ 8444, էջ՝ 428 ա—բ

